



2024-2

30. oktobari 2024

All. nr. /dok.nr.:

2023-907-0002-8

Sull./sagsbeh.: MH

Kommune Kujalliup aalajangiinermini innuttaasumut oqaatsit atugai ajuusaarnarluinnartut pillugit

Ombudsmandi 2023-mi naammagittaalliummik tigusaqarpoq. Kommuni Kujalliup (matuma kingorna kommune) innuttaasup meeraata akuersissutitalimmik angerlarsimaffiup avataanut inissinneqarsimanagera pillugu aalajangiinerata assiliner ilanngunneqarsimavoq.

Oqaatsit atorpeqartut, nipi atorpeqartoq aamma kommunip aalajangiinermini oqaasertalersuisimanagera tunngavigalugu, ombudsmandi aalajangerpoq suliamik nammineerluni misissuineramik aallartitsiniarluni.

Ombudsmandi isumaqarpoq aalajangiinermini oqaatsit atorpeqarsimasut ingerlatsinermini pissuserissaarnissamut atatillugu, pisortat oqartussaati-taatut innuttaasup tungaanut oqaatigineqarsimasut periutsinut naapertuutinngitsut. Ombudsmandip paasinninnera naapertorlugu, tamaat isigalugu inussiarniillisaarnerullunilu nikassaanertut nipaqartinneqartoq.

Tamanna ombudsmandimit ajuusaarnartorujussuartut isigineqarpoq.

Kommunip oqaaseqaatimi oqaatigivaa, kommunimit aalajangiineq taamatut isikkulik ataasiaannarluni pisimammatt, kommunillu innuttaasumik suleqateqarniarnerani pissuserisassatut siunertarineqartuunani.

Ombudsmandimit kommunip oqaaseqaataa tusaatissatut tiguneqarpoq, tamannalu tunngavigalugu iliuuseqaqqinnani suliap suliarinera iperarlugu.

(Oqaaseqaat 30. oktobari 2024-meersoq, j.nr. 2023-907-0002)

Oqaatigaaralu:

1. Suna misissorpara?

1.1. Suliamik suliaqarninni aalajangersimavunga, kommunip aalajangiinermini 21. april 2023-mi ingerlatsinermi pissuserissaarnissami periuutsinut naapertuuttumik iliuuseqarsimanersoq isummerfiginiarlugu. Pingaartumik kommunimit oqaatsit atorineqartut, nipi atorineqartoq aamma kommunip aalajangiinermini oqaasertalersuisimanera nalilersuiffigisimavakka.

Oqaatigissavara, oqaaseqaatinni matumani, aalajangiinermini 21. april 2023-meersumi isumagininnikkut pissutsit pillugit inatsisitigut aalajangiinerit isummerfiginnginnakkut, tassunga ilanngullugit aalajangiinermini isumagininnikkut ingerlatsinermilu inatsisitigut aalajangersakkat pingaarutillit naammassineqarsimasut.

Nammineerlunga misissuineramik aallartitsisimavunga. Innersuussutigaaara Inatsisartut inatsisaanni nr. 7, 1. juni 2017-imeersumi § 15, imm. 1-mi ombudsmandi suliamik nammineerluni misissuiffiginilersinnaanera.

1.2. Oqaaseqaatinni piffinni assigiinngitsuni aallaavigisimavakka qallunaatut atuakkiat. Tamatumunnga pissutaavoq, Kalaallit Nunaanni inatsisitigut

tunngavigineqartuni pingaarnertigut, Qallunaat Nunaanni inatsisitigut tunngavigineqartut assigimmagit.

Oqaaseqaatiga imatut tulleriinnilersugaavoq:

- Imm. 2: Suliaq naatsumik
- Imm. 3: Inatsisitigut tunngavigineqartut
- Imm. 4: Kommune qanoq isumaqarpa
- Imm. 5: Uanga naliliinera

Oqaatigissavara, oqaaseqaatima kingornatigut suliap saqqummiunneqarneranik malitseqassammat.

2. Suliaq naatsumik

Kommune 21. april 2023-mi aalajangiivoq, innuttaasup qitornaa akuersissutitalimmik angerlarsimaffiup avataanut inissinneqassasoq.

Aalajangiinermi 21. april 2023-meersumi ilaatigut imatut oqaasertaaliisoqarsimavoq:

“Angerlarsimaffiup avataanut inissiineq angajoqqaatut oqartussaassusilik akuersisillugu

Ullumikkut aalajangiivigivarput paniit [...] ilaqutariinnut inissillugu paarsassanngortinneqassasoq tak. Meeqqat tapersorneqarnissaat pillugu Inatsisartut inatsisaat nr. 20, 26. juni 2017-meersumi § 27 imm. 3 tunngavigalugu.

[...]

Immikkut maluginiarneqarpoq [meeqqap] inersimasunut nalulluinnakkaminut killiliisinaannginnera, tamannalu isumakulunnartutut illit nalilersinnaanngikkat isumannarpoq, illimmi isummat malillugu meeraq eqiingavoq, pikkorippoq isumatujuusoq ajortoq ajunngitsorlu immikkoortissinnaallugit. Naliliinerput naapertorlugu assut isumakulunnarpoq, meeraq pingasuinnarnik ukiulik allaat suna toqqissisimanarnerunersoq nammineq aalajangiisinnaasutut isigisinnaagakku.

[...]

Aamma nalilersuutitut ilaapput meeqqannut paaqqutarinninnissamik, illersuinissamik taper-sersuinissamik inerikkiartortitsinissamullu naammattumik pisussaaffinnik naammassinnissimanginnavit. Tamannalu [meeqqap] nalinginnaasumik ineriartornissaagaluanut ajoquseereersimasoq iliuseqarfigineqartariaqartoq. Meeqqavit isumannaatsumik sutigut tamatigut inerikkiartortitut inuuneqarnissaat siulliunnagi, angutit assigiinngitsut aapparilertarnissaat pissutigalugu meeqqavit pisariaqartitaanik isumaginnissimanginnerit pissutigalugu [meeqqat] immikkut pisariaqartitsilersimammatt ikiorsiivigineqartariaqarpoq. Tamannalu naammassineqarsinnaavoq ilaqutariinnut paarsassanngortinneqarneratigut [meeqqappit].

Ilisimatitsissut

Qitornavit/nassi angerlarsimaffiup avataanut inissinneqarneranut atatillugu matumuuna nalunaarutigineqassaaq, tamatuma malitsigisussaammagu Kommune Kujalleq qitornassinnut pilersuisussaataalerneru. Tamatuma malitsigissallugu ilisinni najugaqartut nalunaarsoqqanerut najugariligaannut nuuttussanngormat. Tamatuma malitsigissallugu ineqarnermut tapiissutinik nutaamik qinnuteqaateqaqqittariaqassagassi, imaassinnaalluni taakkua allannguuteqartut immaqalu ikinnerulersut, soorlu aamma meeqqanut pineqartunut pisortanit pisarsimasasi pisinnaatiffiunnaassallugit

Taamaakkaluartoq unioqqutitsillusi qitornassinnut tunngasunik pisortanit pisinnaanngisassinnik tigusaqarniarsimagussi, tamanna piaaraluni isumaginninnermi inatsisinik unioqqutitsinerummat utertitsinissamik piumasaqarfiussaaq aammalu siunissaq isigalugu politinut unnerluussinermik kinguneqarluni. (Kommunip erseqqissaataa)

Innuttaasumit 8. august 2023-mi naammagittaalliummik tigusaqarpunga. Saaffiginnissut imatut paasivara, innuttaasup meeqqaminik marlunnik angerlartitsiniarluni noqqaassutaanut piffissaq suliap suliarineqarneranut kommunip atugaa pillugu naammagittaalliutigineqartoq. Innuttaasumit naammagittaalliummik assingusumik suliarinninnissannut 2. august 2023-mi itigartitsisuteqarnikuuvunga. Naammagittaalliutip taassuma pissutissaqartilersimangilaanga iliuseqaqqinnissannut

Naammagittaalliummut 8. august 2023-meersumut ilanngussamik kommunip 21. april 2023-mi aalajangiinerata assilineqarneranik tigusaqar-

punga, innuttaasup qitornaanik akuersissutitalimmik angerlarsimaffiup avataanut inissiinermut tunngasumik.

Kommunip 21. april 2023-mi aalajangiisimanera tunngavigalugu 22. august 2023-mi aalajangerpunga allakkatigut nammineerlunga misissuineramik aallartitsiniarlunga.

Kommunip aalajangiisimanera 21. april 2023-mi tunngavigalugu allakkatigut 22. august 2023-mi aalajangerpunga nammineerlunga misissuineramik aallartitsiniarlunga.

3. Inatsisitigut tunngavigineqartoq

3.1. Ingerlatsinermi pissuserissaarneq sunaava?

Ingerlatsinermi pissuserissaarneq naatsumik oqaatigalugu tassaavoq, pisortat oqartussaataata, soorlu kommunip, innuttaasumut qanoq pissusilersornissaanik malittarisassat periutsillu allassimanngitsut malillugit.

Pisortat oqartussaataat innuttaasumut inussiarnersumik aamma qajassuartumik pissuseqassaaq. Inussiarnersumik aamma qajassuartumik piunasaqaatigineqartutigut aamma ilaatinneqarput, oqartussaasup allakkatigut aamma oqaasiinnakkut innuttaasup tungaanut oqaatsit atugai. Taamaattumik innuttaasumut allakkat ataqqinnippallaartumik, inussiarnersumik aamma qajassuartumik pissuseqartumik allanneqassapput.

Ingerlatsinermi pissuserissaarnissami piunasarineqartut malillugit aamma oqartussaasoq ima pissuseqartariaqarpoq, pisortat oqartussaataannut innuttaasup tatiginninnera nukittorsassallugu. Innuttaasut piviusorsiortumik, tunngavissaasut naapertorlugit eqqortumillu oqartussaasup tamatigut iliuuseqartarneranik tatiginnissinnaasariaqarput. Tamanna ilaatigut ima isumaqarpoq, oqartussaasumit pissutsit piviusut pingaartinneqarnissaat, imaangitsorlu pineqartumut pissutsit tunngassuteqanngitsut imaluunniit pissutsit piviusorsiortuunngitsut pingaartinneqassallutik.

Inatsisit malitsigisaasa saniatigut, ingerlatsinerimi pissuserissaarnissami periutsini piumasaqaatit atuupput.

Innersuussutigaakka nalinginnaasumik ingerlatsineq pillugu atuakkiat, tassunga ilanngullugit pingaartumik Niels Fenger, "Forvaltningsret", siullermeerlugu naqitigaq (2018), qupp. 673-676 kiisalu Jens Møller aamma Jens Olsen, "At arbejde i forvaltningen", siullermeerlugu naqitigaq (1998), qupp. 19-20.

Ingerlatsinerimi pissuserissaarnissaq pillugu paasissutissanut allanut innersuussutigaara oqartussaasunut ilitseruusiani imm. 1, taanna nittartakkanni www.ombudsmand.gl-imiippoq.

3.2. Ombudsmandip periusianit assersuutit

3.2.1. Suliarisimasatsinni 2008-5.1.3 (qupp. 174-175, qallunaatuani) ilaatigut oqaaseqarpunga, ingerlatsinerimi pissuserissaarnissami naapertuutinngitsoq pisortat oqartussaataata suliaqarnerminut atatillugu innuttaasumut attaveqarnermi inussiarniitsumik kiinerneru pillugu, tassunga ilaatinneqarluni suliame illu 'tungeriit.

Suliffimmut pulaarnermi suliame nakkutilliisussaataasunit sulisup suliffeqarfiup pisortaa pikkorlummik taasimavaa.

Sulisullu taassuma aamma allattukkamini pisortaq nikassarlugu allaaserisimallugu. Tassunga atatillugu oqaatigissavara, tamanna ingerlatsinerimi pissuserissaarnissamut naapertuutinngitsoq, tassa ingerlatsivimmi atorfeqartitap suliame paasissutissat soqutaanngitsut ilanngussormagit, tassunga ilanngullugit inuttut nalilersuinerit pisortat oqartussaataata sulineranut atatillugu piviusorsiortoqarneranik qulalersitsissutaasinnaasut.

3.2.2. Suliarisimasatsinni 1995-32.2 (qupp. 41-43, qallunaatuani) pisortaqarfimmi sulisoq oqarasuaatikku naammagittaalliortumik oqaloqateqarluni oqarsimaneragaavoq "Manna inunnik isumaginnittoqarfi-

unngilaq” aamma “aningaasaatitit sipaarsimasussaagalarpatit martsimmi naanerani nalunaaquttap akunneri 200-t ilanngaanneqartussaavutit”.

Suliami ilaatigut oqaaseqaateqarpunga:

“Aammattaaq pissutissaqarsoraanga oqaatigissallugu, pisortat ingerlatsineranni sulisorisat naammagittaallortunik, qinnuteqaateqartunik allanillu atorfimmi sulinermut attuumassuteqartunik allakkatigut oqaatsitigullu attaveqarnermi suugaluartuniluunniit nammineq eqqortuusorisaq malillugu suliamik paasinninnermik imaluunniit pissutsit suliamut tunnganngitsut pillugit oqaaseqaatinik allanik saqqummiusseqqusaanngitsut.”

3.2.3. Siluliani suliami 2007-5.1 (qupp. 90-91, qallunaatuuani) pisorta qarfiit ilaannit suliami allanneqarsimavoq “ilisimanerusariaqaraluarpa”.

Suliami ilaatigut oqaaseqaateqarpunga ingerlatsinermi pissuserissaarnissap malitsigigaa, immikkoortorta qarfiup ilumini atugassatut allattugaatai suliarineqartassasut innuttaasup tungaanut misigissusilersuutitaqartassanngitsut, allattup tunngavissat naapertorlugit allattuinera qularnartunngorteqqunagu.

Oqaatigivarattaaq pitsaanngilluinnartutut isumaqarfigigakku suliap uparu-aammik ilaqarnera, taanna aalajangikkap piviusorsiortuuneranik qulalersit-sissutaasinnaammat aammalu pineqartumut ajuallannarsin-naammat.

4. Kommuniq isumaa

Kommuniq uannut oqaaseqaataani 13. oktober 2023-meersumi ilaatigut oqaatigineqarpoq:

“Suliami angerlarsimaffiup avataanut [...] meeqqamik inissiinermut atatillugu Kommune Kujalliup suliami aalajangiineranut atatillugu ombudsmandeqarfimmit noqqaasuteqartoqarpoq oqaaseqaasiortoqarnissaanik. Suliamut oqaaseqaammi ombudsmandip immikkut isigalugu noqqaassutigivaa, kommune qanoq isumaqarneris paaserusullugu, kommuniq aalajangigaa 21. april 2023-meersoq, ingerlatsinermi pissuserissaarnerunersoq isummerfigeqquneqarnerluni.

[...]

Ombudsmandip oqaaseqaasiortoqarnissaanik noqqaassutaanut atatillugu, Kommune Kujallermit oqaatigineqassaaq suliaq misissuataarneqarsimammatt. Suliamit ersersinneqarpoq [meeqqap arnaa], angerlarsimaffiup avataanut meeqqamik inissiineq sioqqullugu akuersissuteqarsimasoq. Aamma suliami allagaatinit ersersinneqarportaaq, paasissutissat piviusut aalajangiinermi tunngavilersuutigineqarsimasut, isumaginninnikkut misissuinermik aallaaveqarmata, angajoqqaat qanoq nukissaqartiginerat kiisalu meeqqamut suna pitsaanerpaanersoq misissorneqarsimallutik. Angajoqqaajussusermi [meeqqap arnaata] nukissaqassusia, aammalu iliuuserisartakkanik toqqaasarnermigut, qularnaariffiginngilaa meeqqap toqqissisimanartumik aalaakkaasumillu peroriartornissa, tamannalu inissiisariaqalernermik iliuuseqarnermik kinguneqarpoq, tak. Inatsisartut inatsisaanni nr. 20, 26. juni 2017-imeersumi § 27, taamaalilluni meeqqap peqqissusiata aamma ineriartornerata ajoquserneqarnera ilasarneqaaqqunagu.

Maluginiarneqarpoq aalajangiinermi qanoq iliuusissat amigarsimasut. Aalajangiinerup tunngavilersuutaa tamakkiisumik angajoqqaamut nassuiaatigineqaaqarsimagaluarpat, soq kommuni inissiisariaqalersimanersoq, tamatumuuna qulakkeerneqarsimassagaluarpoq aalajangiineq ersarinnerusoq aamma paasiumarnerusoq. Tamatumani nalilersuinerup qiterisaa kommunip aalajangiinermi tunngavigisaa iserfigineqarsimassagaluarpoq, taamaalillunilu inissiinermik aalajangiineq pitsaanerusemik nassuiaatissartaqarluni.

Aamma maluginiarneqarpoq, oqaaseqaasiornermi inussiarnerpallaamik paasinnippalaartumillu oqaasertalersuineq pinngitsoortinneqarsimasinnaagaluarpoq. Oqaaseqatigiillorneri paasineqakannersinnaapput tunngavilersuinerit tunngavilersuineq, naak paasissutissat piviusuugaluar-tut, angajoqqaatut nukissaqassuseq aamma meeqqap ineriartorluarnissaa pillugu misissueqqaarnermi ersersinneqartut. Tamanna siumut isigaluni angajoqqaatut oqartussaassusilimmik suleqateqarniarnissamut ajornakusoortitsilernermik toqqammaviliisuusinnaavoq, tamannalu ajuusaarnarpoq, tassami Kommune Kujallermit innuttaasunik peqataatitsinissaq ukkatarineqarmat, aamma suleqatikkuminartuunissamik tatiginartutullu ingerlatsivittut isigineqarnissamik ilungersuuteqarmat.

Aamma aalajangiinermi allakkiami takuneqarsinnaavoq siunertarineqarmat isumaginninnermi peqquserluuteqarnissamik pinaveersaartitsiniarneq, ilaatigullu isumaginninnermi ikiorsiissutinik allannguinermit atatillugu pitsaasumik ilitsersuinnissami angajoqqaap pasinarsarneqartoorsinnaammatt. Tamanna pinngitsoortinneqarsimasinnaagaluarpoq titarnerit kingulliit marluk mininnerisigut.

Kommune Kujalleq sutigut tamatigut ingerlatsinermi pissuserissaarnissamik malinninnarsarivoq, taamaalilluni innuttaasumut tatigeqatigiinneq siunertarineqartoq anguneqassalluni – tassunga ilanngullugu angajoqqaap pineqartoq. Taamaattoq aalajangiineq pineqartoq ataa-

siaannarluni pisutut isigineqartariaqarpoq, Kommune Kujallip siunertarisaanut, tassalu innuttaasumik ajunnginnerpaamik suleqateqartoqartariaqartoq.”

5. Uanga naliliinera

Paasinninnera naapertorlugu kommunip 21. april 2023-mi aalajangiinerani inussiarniitsumik nakkarsaarpalaartumillu nipi atorneqarsimavoq.

Isumaqarpunga oqaaseqaatiliorneq ”Naliliinerput naapertorlugu assut isumakulunnarpoq, meeraq pingasuinnarnik ukiulik allaat suna toqqissisimanarnerunersoq nammineq aalajangiisinnaasutut isigisinnaagakku.” nakkarsaanerusoq aamma innuttaasup tungaanut nammineq isummamik oqaatsinik atuinerusoq. Aamma isumaqarpunga taamatut oqaaseqaatiliorneq kommunip piviusorsior-tumik eqqortumillu iliortuaannarneranik innutaasup tatiginninneranut annikillisaataasoq.

Naggataatigullu isumaqarpunga oqaaseqaatiliorneq ”Aamma naliliinerivarput, illit anaanatut piffissap sivisuup iluani meeqqavit isumannaatsumik sutigut tamatigut inerikkiartorlutik inuuneqarnissaat siulliunnagu, angutit assigiinngitsut aapparilertarnissaat salliuttarit” pisariaqanngitsumik ajuallannartaallunilu nammineq isummamik anitsinerusoq.

Isumaqarpunga oqaaseqatigiit ” *Taamaakkaluartoq unioqqutitsillusi qitornassinnut tunngasunik pisortanit pisinnaanngisassinnik tigusaqarniarsimagussi, tamanna piaarluni isumaginninnermi inatsisinik unioqqutitsinerummat utertitsinissamik piumasaqarfiussaaq aammalu siunissaq isigalugu politinut unnerluussinermik kinguneqarluni.*”, innuttaasumik pasinarsaaneruvoq, isumaqarnarluni ileqquliussaasutut innuttaasoq isumagin-ninnermi peqquserlunnissanik siunertaqartoq.

Taamaalillunga ataatsimut isigalugu naliliinera unaavoq, oqaatsit, nipi aamma aalajangiinnermi kommunip oqaaseqaatit atorsimasai, kommunip innuttaasup tungaanut oqariartuuteqartarnissaani ingerlatsinnermi pissuserissaarnissamut

naapertuutinngitsut, tamatumani qularnarsitinneqarsinnaammat kommunip piviusorsiortumik tunngavissallu naapertorlugit iliortarneranut.

Tamanna ajuusaarnartorujussuuartut isumaqarfigivara.

Oqaatigissavara, innuttaasup meeraata akuersissutitalimmik angerlarsimaffiup avataanut inissinneqarnerani aalajangiinermik ilisimatinneqarnerani oqaaseqaatit atorineqarsimasut pisariaqarsimanngitsut.

Maluginiarpara kommunip uannut oqaaseqaatimini 13. oktober 2023-meersumi oqaatigimmagu, kommunimit qaqugukulluunniit malinniarneqartartoq ingerlatsinermi pissuserissaarnissaq, anguniarneqartarlunilu innuttaasorlu tatigeqatigiinnissaq. Aamma kommunimit oqaatigineqarpoq aalajangiineq 21. april 2023-mi ataasiaannarluni pisutut isigineqartoq, tamannalu kommunip innuttaasunik suleqateqarnissaanut pissuserisassatut siunertaanngitsoq.

Kommunip oqaaseqaataa tusaatissatut tiguara, tamannalu tunngavigalugu suliami allatut iliuseqaqqissanngilanga.

Oqaaseqaatiga pillugu innuttaasoq ilisimatinnikuuara.

Oqaaseqaatiga una nalunaarusianni 2024-mi nittartakkanni tamanut saqqumiunneqarumaarpoq.

Taamaalillunga suliap suliarinera iperarpara.

SULIAP INGERLANNEQARNERA

Kommune 21. april 2023-mi aalajangiivoq innuttaasup meeraa akuersis-sutitalimmik angerlarsimaffiup avataanut inissinneqassasoq.

Kommunip 21. april 2023-mi aalajangigaani ilaatigut ersersinneqarpoq:

"[...]

"Angerlarsimaffiup avataanut inissiineq angajoqqaatut oqartussaassusilik akuersisillugu

Ullumikkut aalajangiivigivarput paniit [...] ilaqutariinnut inissillugu paarsassanngortinneqassasoq tak. Meeqqat tapersersorneqarnissaat pillugu Inatsisartut inatsisaat nr. 20, 26. juni 2017-imeersumi § 27 imm. 3 tunngavigalugu.

[...]

Immikkut maluginiarneqarpoq [meeqqap] inersimasunut nalulluinnakkaminut killiliisinnaanginnera, tamannalu isumakulunnartutut illit nalilersinnaangikkut isumannarpoq, illimmi isummat malillugu meeraq eqiingavoq, pikkorippoq isumatujuusoq ajortoq ajunngitsorlu immikkoortissinnaallugit. Naliliinerput naapertorlugu assut isumakulunnarpoq, meeraq pingasuinnarnik ukiulik allaat suna toqqissisimanarnerunersoq nammineq aalajangiisinnaasutut isigisinnaagakku. Aamma nalilersuutitut ilaapput meeqqannut paaqqutarinninnissamik, illersuinissamik tapersersuinissamik inerikkiartortitsinissamullu naammattumik pisussaaffinnik naammassin-nissimanginnavit. Tamannalu [meeqqap] nalinginnaasumik ineriartornissaagaluanut ajoquseereersimasoq iliuuseqarfigineqartariaqartoq. Meeqqavit isumannaatsumik sutigut tamatigut inerikkiartorlutik inuuneqarnissaat siulluinnagi, angutit assigiinngitsut aapparilertarnissaat pissutigalugu meeqqavit pisariaqartitaanik isumaginnissimanginnerit pissutigalugu [meeqqat] immikkut pisariaqartitsilersimammat ikiorsiivigineqartariaqarpoq.

Tamannalu naammassineqarsinnaavoq ilaqutariinnut paarsassanngortinneqarneratigut [meeqqappit].

Ilisimatitsissut

Qitornavit/nassi angerlarsimaffiup avataanut inissinneqarneranut atatillugu matumuuna nalunaarutigineqassaaq, tamatuma malitsigisussaammagu Kommune Kujalleq qitornassinnut pilersuisussaataalerneru. Tamatuma malitsigissallugu ilissinni najugaqartut nalunaarsoqqanerat najugariligaannut nuuttussanngormat. Tamatuma malitsigissallugu ineqarnermut tapiissutinik nutaamik qinnuteqaateqaqqittariaqassagassi, imaassinnaalluni taakkua allannguuteqartut immaqalu ikinnerulersut, soorlu aamma meeqqanut pineqartunut pisortanit pisarsimasasi pisinnaatiffiunnaassallugit

Taamaakkaluartoq unioqqutitsillusi qitornassinnut tunngasunik pisortanit pisin-naanngisassinnik tigusaqarniarsimagussi, tamanna piaaraluni

***isumaginninnermi inatsisunik unioqqutitsinerummat utertitsinissamik
piumasaqarfiussaaq aammalu siunissaq isigalugu politinut
unnerluussinermik kinguneqarluni.***

(Kommunip erseqqissaataa)

[...]"

Innuttaasumit 8. august 2023-mi naammagittaalliummik tigusaqarpunga. Saaffiginnissut imatut paasivara, innuttaasup meeqqaminik marlunnik angerlartitsiniarluni noqqaassutaanut piffissaq suliap sularineqarneranut kommunip atugaa pillugu naammagittaalliutigineqartoq. Innuttaasumit naammagittaalliummik assingusumik sularinninnissannut 2. august 2023-mi itigartitsissuteqarnikuuvunga. Naammagittaalliutip taassuma pissutissaqartilersimangilaanga iliuuseqaqqinnis-sannut.

Naammagittaalliummut 8. august 2023-meersumut ilanngussamik kommunip 21. april 2023-mi aalajangiinerata assileneqarneranik tigusaqarpunga, innuttaasup qitornaanik akuersissutitalimmik angerlarsimaffiup avataanut inissiinermut tunngasumik.

Kommunip 21. april 2023-mi aalajangiisimanera tunngavigalugu 22. august 2023-mi aalajangerpunga allakkatigut nammineerlunga misissuineramik aallartitsiniarlunga, kommunilu suliamut oqaaseqaasioqqullugu. Tassani kommuni qinnuigaara immikkut isummerfigissagaa, kommunip aalalajngiissuta 21. april 2023-meersoq ingerlatsinermi pissuserissaarnittut isumaqarfigigineraa.

Kommunip oqaaseqaataanik 24. oktober 2023-mi tigusaqarpunga taanna 13. oktober 2023-mik ulluligaavoq. Oqaaseqaammit ilaatigut ersersinneqarpoq:

"Suliami angerlarsimaffiup avataanut [...] meeqqamik inissiinermut atatillugu Kommune Kujallip suliami aalajangiineranut atatillugu ombudsmandeqarfimmit noqqaas-suteqartoqarpoq oqaaseqaasiortoqarnissaanik. Suliamut oqaaseqaammi ombudsmandip immikkut isigalugu noqqaassutigivaa, kommune qanoq isumaqarnerseq paaserusullugu, kommunip aalajangigaa 21. april 2023-meersoq, ingerlatsinermi pissuserissaarnerunersoq isummerfigeqquneqarnerluni.

[...]

Ombudsmandip oqaaseqaasiortoqarnissaanik noqqaassutaanut atatillugu, Kommune Kujallermit oqaatigineqassaaq suliaq misissuataarneqarsimammam. Suliamit ersersinneqar-poq [meeqqap arnaa], angerlarsimaffiup avataanut meeqqamik inissiineq sioqqullugu akuersissuteqarsimasoq. Aamma suliami allagaatinit ersersinneqarportaaq, paasissutissat piviusut aalajangiinermi tunngavilersuutigineqarsimasut, isumaginninnikkut misissuineramik aallaaveqarmata, angajoqqaat qanoq nukissaqartiginerat kiisalu meeqqamut suna pitsaanerpaanersoq misissorneqarsimallutik. Angajoqqaajussusermi [meeqqap arnaata] nukissaqassusia, aammalu iliuuserisartakkanik toqqaasarnermigut, qularnaariffiginngilaa meeqqap toqqissisimanartumik aalaakkaasumillu peroriartornissa, tamannalu inissiisariaqalerneramik iliuuseqarnermik kinguneqarpoq, tak. Inatsisartut inatsisaanni nr. 20, 26. juni 2017-imeersumi § 27, taamaalilluni meeqqap peqqissusiata aamma ineriartornerata ajoquserneqarnera ilasarneqaaqqunagu.

Maluginiarneqarpoq aalajangiinermi qanoq iliuusissat amigarsimasut. Aalajangiinerup tunngavilersuutaa tamakkiisumik angajoqqaamut nassuiaatigineqaaqarsimagaluarpat, sooq kommuni inissiisariaqalersimanersoq, tamatumuuna qulakkeerneqarsimassagaluarpoq aalajangiineq ersarinnerusoq aamma paasiuminarnerusoq. Tamatumani nalilersuinerup qiterisaa kommunip aalajangiinerminut tunngavigisaa iserfigineqarsimassagaluarpoq, taamaalillunilu inissiineramik aalajangiineq pitsaanerusermik nassuiaatissartaqarluni.

Aamma maluginiarneqarpoq, oqaaseqaasiortermit inussiarnerpallaamik paasinnippalaar-tumillu oqaasertalersuineq pinngitsoortinneqarsimasinnaagaluartoq. Oqaaseqatigiiliortermit paasineqakannersinnaapput tunngavilersuineritukanneq, naak paasissutissat piviusuugaluar-tut, angajoqqaatut nukissaqassuseq aamma meeqqap ineriartorluarnissaa pillugu misissueqqaarnermit ersersinneqartutut. Tamanna siumut isigaluni angajoqqaatut oqartussaassusilimmik suleqateqarniarnissamut ajornakusoortitsilernermit toqqammavi-liisuusinnaavoq, tamannalu ajuusaarnarpoq, tassami Kommune Kujallermit innuttaasunik peqataatitsinissaq ukkatarineqarmat, aamma suleqatikkuminartuunissamik tatiginartutullu ingerlatsivittut isigineqarnissamik ilungersuuteqarmat.

Aamma aalajangiinermi allakkiami takuneqarsinnaavoq siunertarineqarmat isumaginninnermit peqquserluuteqarnissamik pinaveersaartitsiniarneq, ilaatigullu isumaginninnermit ikiorsiissutinik allannguinermit atatillugu pitsaasumik ilitersuunissami angajoqqaaq pasinarsarneqartoorsinnaammam. Tamanna pinngitsoortinneqarsimasinnaagaluarpoq titarne-rit kingulliit marluk mininnerisigut.

Kommune Kujalleq sutigut tamatigut ingerlatsinermi pissuserissaarnissamik malinninni-arsarivoq, taamaalilluni innuttaasumut tatigeqatigiinneq siunertarineqartoq anguneqassalluni – tassunga ilanngullugu angajoqqaq pineqartoq. Taamaattoq aalajangiineq pineqartoq ataa-siaannarluni pisutut isigineqartariaqarpoq, Kommune Kujalliup siunertarisaanut, tassalu innuttaasumik ajunnginnerpaamik suleqateqartoqartariaqartoq.”